



## XALQ DEPUTATLARI FARG'ONA VILOYATI KENGASHI QARORI

20 17 yil ~ 30 ~ январь № V-XXI/117

### Вилоятда асосий макроиктисодий кўрсаткичлари прогнози ва Давлат бюджети параметрлари прогнозларининг 2016 йил якунлари хамда 2017 йилдаги устувор вазифалар бажарилиши тўғрисида

Вилоят бюджетига 2016 йил учун белгиланган 1 трлн. 769,3 млрд.сўмлик прогноз кўрсаткичлари 1 трлн. 773,9 млрд.сўмга (100,3%) бажарилиб, ўтган йилнинг мос даврига нисбатан 88,0 млрд.сўмга ёки 105,2 фоизга ошган.

Бюджетдан ташқари Пенсия жамғармасига тушумлар бўйича 2016 йил учун 1119,0 млрд.сўм прогноз белгиланган бўлиб, хақиқатда 1129,2 млрд.сўм маблағ ундирилди ва прогноз 100,9 фоизга (10,1 млрд.сўм ортиқ) бажарилган. Шунингдек, Жамғармага тушумлар ўтган йилнинг шу даврига нисбатан 169,4 млрд.сўмга ёки 117,7 фоизга ортган.

Республика йўл жамғармасига тушумлар бўйича 2016 йил учун вилоятга 121,6 млрд.сўм прогноз белгиланган бўлиб, хақиқатда 122,0 млрд.сўм маблағ ундирилди ва прогноз 100,3 фоизга бажарилиб, жамғармага тушумлар ўтган йилнинг шу давридаги тушумга нисбатан 28,1 млрд.сўмга ортган.

Таълим ва тиббиёт муассасалари жамғармасига тушумлар бўйича 2016 йил учун 47,2 млрд.сўм прогноз белгиланган бўлиб, хақиқатда 47,3 млрд.сўм маблағ ундирилди ва прогноз 100,3 фоизга бажарилиб, жамғармага ўтган йилнинг шу давридаги тушумга нисбатан 3,2 млрд.сўмга ёки 107,3 фоиз кўп маблағ ундиришга эришилган.

Республика вазирлик таркибига кирувчи корхоналардаги тушумлар ўсиш сурати яъни “Ўзбекнефтегаз” миллий холдинг компанияси корхоналарида 11,5 фоизга, “Ўзкимёсаноат” акциядорлик компанияси корхоналарида 21,1 фоизга пасайган.

Вилоят бўйича бюджет ва бюджетдан ташқари мақсадли жамғармаларга белгиланган прогноз кўрсаткичлари бажарилиб, тушумларнинг ўсиш сурати таъминланган бўлсада, айrim туманларда субвенция улуши Бувайда туманида 66,3 фоизни, Сўх туманида 62,1 фоизни, Фурқат туманида 58,8 фоизни ва Кўштепа туманида 55,8 фоизни ташкил этган.

Бюджетга тушумлар ўсиши билан бирга қарздорликлари йил бошига нисбатан “Ўзкимёсаноат” ДАК таркибидаги корхоналарда 50,8 млрд.сўмга (48,1 млрд.сўми Фарғона Азот), 13,2 млрд.сўми “Ўзпахтасаноат” таркибидаги корхоналарга, 2,8 млрд.сўми “Ўзавтойўл” таркибидаги корхоналарга ва 2,1 млрд.сўми “Ўзбекнефтегаз” таркибидаги корхоналарига, худудлардаги энг юқори ўсиш Фарғона шаҳрида 47,7 млрд.сўмга, Кўқон шаҳрида 5,5 млрд.сўмга,

Бешариқ туманида 4,2 млрд.сўмга ва Қува туманида 1,9 млрд.сўмга бюджет олдиғаги солиқ қарздорликлари ўсан.

2016 йилдаги текширишларнинг самарадорлигига эътибор қаратилиб, олдиндан таҳлил кучайтирилди ва ўтказилган ҳужжатли текширишлар натижасида 48,8 млрд.сўм (ўтган йилнинг мос даврида 36,6 млрд.сўм) қўшимча солиқлар ва молиявий жарималар ҳисобланган.

Бундан ташқари, вилоятдаги ташқи иқтисодий фаолияти амалга оширган 123 та хўжалик юритувчи субъектлар томонидан 2016 йилда хорижий ҳамкорларга жами 695.089,3 млн.сўмлик маҳсулотлар экспорт қилинган. Бунинг натижасида давлат бюджетига 27.128,7 млн.сўм солиқ тўловлари ундириб олинган.

Юқоридаги масалалар юзасидан ўтказилган муҳокама якунларига кўра, ҳалқ депутатлари вилоят Кенгаши

### **ҚАРОР ҚИЛАДИ:**

**1.** Вилоят бюджет ва бюджетдан ташқари жамғармалар тушумлари прогнозларининг 2016 йил якунлари бўйича бажарилиши тўғрисида вилоят Давлат солиқ бошқармаси бошлиғи А.А.Тешабоевнинг ҳисоботи маълумот ва ижро этиш учун қабул қилинсин.

**2.** Бувайда (Турсунов), Сўх (Рахимов), Фурқат (Назаров) ва Қўштепа (Жуманов) туманлари ҳокимларига бюджет ва бюджетдан ташқари мақсадли жамғармаларга белгиланган прогноз кўрсаткичлари субвенция улушкига нисбатан паст суратларда бажарган кўрсатиб ўтилсин.

**3.** Вилоят Давлат солиқ бошқармаси (Тешабоев), молия бошқарма (Мирзаев), Олтиариқ (Ниёзов), Учкўприк (Дехқонов), Фаргона (Имомалиев) ва Данғара (Абдусаломов) туманлари ҳокимлари билан биргаликда 2017 йил якуни билан тўлиқ субвенциядан чиқишга ҳамда Ўзбекистон (Боборахимов), Қува (Рахмонов), Бағдод (Зокиров) туманлар ҳокимлари билан биргаликда субвенция улушкини камайишга қаратилган чора-тадбирлар режасини белгиласин ва ҳар чорак якуни билан ҳалқ депутатлари вилоят Кенгаши сессиясида ахборот берив борсин.

**4.** Вилоят Давлат солиқ бошқармаси (Тешабоев)га, молия бошқарма (Мирзаев)га бир хафта ичида транспорт солигини камайиш сабабларини ўрганиб, таклиф киритсин.

**5.** Маҳаллий бюджетни шакллантириш ва ижро этиш, иқтисодий ислохотларни амалга ошириш ҳамда тадбиркорликни ривожлантириш масалалари комиссияси (Камолов) ҳар ой якуни билан субвенциядан чиқаришга ва субвенция улушкини камайишга қаратилган чора-тадбирлар режасини бажарилиши юзасидан мониторинг ўтказиш ва ахборот киритив борсин.

**6.** Вилоятдаги “Ўзқимёсаноат” ДАК, “Ўзпахтасаноат”, “Ўзавтойўл” ва “Ўзбекнефтегаз” таркибидаги корхоналар таркибига кирувчи корхоналарда Фарғона, Кўқон шаҳарлари, Бешариқ ва Қува туманларининг бюджет олдиғаги солиқ қарздорликлари йил бошига нисбатан ўсанлиги кўрсатиб ўтилсин.

**7. Халқ депутатлари туман ва шаҳар Кенгашларига:**

ҳар чорак якуни билан субвенциядан чиқаришга, субвенцияни камайтиришга ва бюджет олдидаги солик қарздорликларини камайтиришга қаратилган чора-тадбирлар режасини бажарилишини сессияда муҳокама этиш;

иқтисодиётда чуқур таркибий ўзгартиришларга қаратилган фаол инвестиция сиёсатини янада жадаллаштириш, миллий иқтисодиётнинг устувор тармокларини молиявий қўллаб-куватлаш ҳамда замонавий йўл-транспорт ва муҳандислик инфратузилмасини ривожлантириш юзасидан чора-тадбирлар белгилаш;

2017 йилда асосий макроиқтисодий кўрсаткичлари прогнози ва Давлат бюджети параметрлари прогнозларининг бажарилиши назорат қилиш ҳамда мавжуд бюджет олдидаги солик қарздорликларини камайтириш чораларини кўриш вазифалари топширилсин.

**8. Вилоят телерадиокомпанияси (Мамарасулов), “Фарғона ҳакиқати” (Тешабоев) ва “Ферганская правда” (Сайдганиева) газеталари таҳририятига вилоятда асосий макроиқтисодий кўрсаткичлари прогнози ва Давлат бюджети параметрлари прогнозларининг 2016 йил якунлари ҳамда 2017 йилдаги устувор вазифалар бажарилиши юзасидан туркум мақола ва кўрсатувларни тайёрлаб бориш тавсия этилсин.**

**9. Мазкур сессия қарорини ижросини назорат этиш халқ депутатлари вилоят Кенгашининг доимий комиссиялари зиммасига юклатилсин.**

**10. Ушбу қарор кабул қилинган кундан кучга киради.**

**Кенгаш раҳбари,  
вилоят ҳокими**

**Ш.Ғаниев**